



Հ Ա Յ Ա Ս Տ Ա Ն Ի Հ Ա Ն Ր Ա Պ Ե Տ Ո Ւ Թ Յ Ա Ն Փ Ա Ս Տ Ա Բ Ա Ն Ն Ե Ր Ի Պ Ա Լ Ա Տ

Ծ Ր Ա Գ Ի Ր

«ԱՆՎՃԱՐ ԻՐԱՎԱԲԱՆԱԿԱՆ ԽՈՐՀՐԴԱՏՎՈՒԹՅՈՒՆ»

(իրականացվում է Եվրոպայում անվտանգության և համագործակցության կազմակերպության (ԵԱՀԿ) երևանյան գրասենյակի աջակցությամբ)

ք.Երևան

18.04.2016թ.

ԾՐԱԳՐԻ ՆԿԱՐԱԳՐՈՒԹՅՈՒՆ

Հայաստանի Հանրապետության Փաստաբանների պալատը **Եվրոպայում անվտանգության և համագործակցության կազմակերպության (ԵԱՀԿ) երևանյան գրասենյակի** աջակցությամբ իրականացնում է *«Անվճար իրավաբանական խորհրդատվություն»* դրամաշնորհային ծրագիրը, որն ուղղված է հասարակական տարբեր խոցելի շերտերի իրավաբանական օգնության ապահովմանը: ք.Երևան

Ծրագիրը ներառում է 3 ինքնուրույն բաղադրիչներ (ուղղություններ).

ա) անվճար իրավաբանական խորհրդատվություն մարզերում (բաղադրիչ 1).

բ) անվճար իրավաբանական խորհրդատվություն քրեակատարողական հիմնարկներում (բաղադրիչ 2).

գ) անվճար իրավաբանական խորհրդատվություն վարորդներին (բաղադրիչ 3):

Նախատեսվում է ծրագրի բոլոր բաղադրիչները (իրավաբանական խորհրդատվությունը) սկսել 2016 թվականի մայիսի երրորդ շաբաթվանից:

Ծրագրի բաղադրիչներից յուրաքանչյուրի բովանդակությունը տե՛ս ստորև:

ԾՐԱԳՐԻ ԲԱՂԱԴՐԻՉՆԵՐԻ ԲՈՎԱՆԴԱԿՈՒԹՅՈՒՆԸ

ԲԱՂԱԴՐԻՉ 1.

Ծրագրով նախատեսվում է անվճար իրավաբանական խորհրդատվություն մատուցել Հայաստանի Հանրապետության բոլոր մարզերի տարբեր համայնքներում բնակվող քաղաքացիների համար՝ այցելություններ կազմակերպելով Հայաստանի Հանրապետության տարբեր մարզեր՝ ծրագրով նախատեսված ժամանակացույցին համապատասխան (տե՛ս ստորև, աղյուսակ 1): Մարզային այցելությունների ժամանակ քաղաքացիների հետ փաստաբանների հանդիպումները կազմակերպվելու են ՀՀ փաստաբանների պալատի համակարգողների գրասենյակներում կամ ծրագրի աշխատակազմի կողմից համաձայնեցված այլ վայրում: Յուրաքանչյուր այցելություն, որպես կանոն, կազմակերպվելու է 6 (վեց) ժամ տևողությամբ: Ծրագրի ժամանակահատվածում խորհրդատվությունների մատուցումը նախատեսվում է հնարավորության դեպքում կազմակերպել նաև հեռախոսով և էլեկտրոնային փոստի միջոցով: Երևանից դեպի մարզեր այցելություններն իրականացվելու է ՀՀ փաստաբանների պալատի կողմից տրամադրված տրանսպորտային միջոցով:

Բաղադրիչ 1, աղյուսակ 1.

ԺԱՄԱՆԱԿԱՑՈՒՅՑ

Անվճար իրավաբանական օգնություն մարզերում

No	Մարզ (համայնք)	Ամսաթիվ	Փաստաբանների խմբեր
1.	Արարատի մարզ 1. Արտաշատ 2. Արարատ 3. Մասիս 4. Վեդի	Մայիս <i>3-րդ շաբաթ</i> <i>4-րդ շաբաթ</i>	3 փաստաբան (խումբ 1)
2.	Արմավիրի մարզ 5. Արմավիր 6. Վաղարշապատ 7. Մեծամոր	Հունիս <i>1-ին շաբաթ</i> <i>2-րդ շաբաթ</i>	3 փաստաբան (խումբ 2)

3.	Արագածոտնի մարզ 8. Աշտարակ 9. Թալին 10. Ապարան	Հունիս <i>3-րդ շաբաթ</i> <i>4-րդ շաբաթ</i>	3 փաստաբան (խումբ 3)
4.	Կոտայքի մարզ 11. Արուսյան 12. Հրազդան 13. Չարենցավան 14. Ծաղկաձոր	Հուլիս <i>1-ին շաբաթ</i> <i>2-րդ շաբաթ</i>	3 փաստաբան (խումբ 4)
5.	Սյունիքի մարզ 15. Սիսիան 16. Գորիս 17. Կապան 18. Մեղրի	Հուլիս <i>3-րդ շաբաթ</i> <i>4-րդ շաբաթ</i>	3 փաստաբան (խումբ 5)
6.	Տավուշի մարզ 19. Դիլիջան 20. Իջևան 21. Բերդ 22. Նոյեմբերյան	Օգոստոս <i>1-ին շաբաթ</i> <i>2-րդ շաբաթ</i>	3 փաստաբան (խումբ 6)
7.	Վայոց Ձորի մարզ 23. Ջերմուկ 24. Եղեգնաձոր 25. Վայք	Օգոստոս <i>3-րդ շաբաթ</i> <i>4-րդ շաբաթ</i>	3 փաստաբան (խումբ 7)
8.	Լոռու մարզ 26. Վանաձոր 27. Ստեփանավան 28. Սպիտակ	Սեպտեմբեր <i>1-ին շաբաթ</i> <i>2-րդ շաբաթ</i>	3 փաստաբան (խումբ 8)
9.	Շիրակի մարզ 29. Գյումրի 30. Ախուրյան 31. Արթիկ 32. Մարալիկ	Սեպտեմբեր <i>3-րդ շաբաթ</i> <i>4-րդ շաբաթ</i>	3 փաստաբան (խումբ 9)
10.	Գեղարքունիքի մարզ 33. Սևան 34. գավառ 35. Մարտունի 36. Վարդենիս	Հոկտեմբեր <i>1-ին շաբաթ</i> <i>2-րդ շաբաթ</i>	3 փաստաբան (խումբ 10)

ԲԱՂԱԴՐԻՉ 2.

Ծրագրով նախատեսվում է անվճար իրավաբանական խորհրդատվություն մատուցել քրեակատարողական հիմնարկներում (ՔԿՀ) ազատազրկման մեջ գտնվող անձանց համար՝ այցելություններ կազմակերպելով քրեակատարողական հիմնարկներ՝ ծրագրով նախատեսված ժամանակացույցին համապատասխան (տե՛ս ստորև, աղյուսակ 2): ՔԿՀ-ներ յուրաքանչյուր այցելություն կազմակերպվելու է 6 ժամ տևողությամբ:

Երևանից դեպի ՔԿՀ-ներ այցելություններն իրականացվելու է ՀՀ փաստաբանների պալատի կողմից տրամադրված տրանսպորտային միջոցով:

Բաղադրիչ 2, աղյուսակ 2.

ԺԱՄԱՆԱԿԱՑՈՒՅՑ

Անվճար իրավաբանական օգնություն
 քրեակատարողական հիմնարկներում

No	Քրեակատարողական հիմնարկ (ՔԿՀ)	Ամսաթիվ	Փաստաբանների խմբեր
1.	«Նուբարաշեն» ՔԿՀ հասցե՝ ք. Երևան, Նուբարաշենի խճուղի 2	Մայիս 3-րդ շաբաթ 4-րդ շաբաթ	3 փաստաբան (խումբ 1)
2.	«Արմավիր» ՔԿՀ հասցե՝ Արմավիրի մարզ, ք. Էջմիածին, Չոբանքարա	Հունիս 1-ին շաբաթ 2-րդ շաբաթ	3 փաստաբան (խումբ 2)
3.	«Կոշ» ՔԿՀ հասցե՝ Արագածոտնի մարզ, գ. Կոշ	Հունիս 3-րդ շաբաթ 4-րդ շաբաթ	3 փաստաբան (խումբ 3)
4.	«Աբովյան» ՔԿՀ հասցե՝ Կոտայքի մարզ, ք. Աբովյան	Հուլիս 1-ին շաբաթ 2-րդ շաբաթ	3 փաստաբան (խումբ 4)
5.	«Գորիս» ՔԿՀ հասցե՝ Սյունիքի մարզ, ք. Գորիս, Նարեկացու 5	Հուլիս 3-րդ շաբաթ 4-րդ շաբաթ	3 փաստաբան (խումբ 5)

6.	«Վարդաշեն» ՔԿՀ հասցե՝ ք. Երևան, Նուբարաշենի խճուղի 7	Օգոստոս <i>1-ին շաբաթ</i> <i>2-րդ շաբաթ</i>	3 փաստաբան (խումբ 6)
7.	«Սևան» ՔԿՀ հասցե՝ Կոտայքի մարզ, ք. Հրազդան	Օգոստոս <i>3-րդ շաբաթ</i> <i>4-րդ շաբաթ</i>	3 փաստաբան (խումբ 7)
8.	«Վանաձոր» ՔԿՀ հասցե՝ Լոռու մարզ, ք. Վանաձոր, Տավրոսի 20	Սեպտեմբեր <i>1-ին շաբաթ</i> <i>2-րդ շաբաթ</i>	3 փաստաբան (խումբ 8)
9.	«Արթիկ» ՔԿՀ հասցե՝ Շիրակի մարզ, գ. Հառիձ	Սեպտեմբեր <i>3-րդ շաբաթ</i> <i>4-րդ շաբաթ</i>	3 փաստաբան (խումբ 9)
10.	«Հրազդան» ՔԿՀ հասցե՝ Կոտայքի մարզ, ք. Հրազդան, Միկրոշրջան 45	Հոկտեմբեր <i>1-ին շաբաթ</i> <i>2-րդ շաբաթ</i>	3 փաստաբան (խումբ 10)

ԲԱՂԱԴԵՐԻՉ 3.

Ծրագրի շրջանակներում նախատեսվում է անվճար իրավաբանական խորհրդատվություն մատուցել վարորդներին՝ կապված ճանապարհային ուստիկանության կողմից վերջիններիս վարչական պատասխանատվության ենթարկելու դեպքերի իրավաչափության հետ: Իրավաբանական օգնությունը վարորդներին կտրամադրվի սահմանված ժամանակացույցին համապատասխան՝ շաբաթական մեկ օր պարբերականությամբ յուրաքանչյուր անգամ 6 ժամ տևողությամբ (տե՛ս ստորև, [աղյուսակ 3](#)): Անհրաժեշտության դեպքում վարորդներին իրավաբանական օգնություն տրամադրելու համար փաստաբաններից կարող է պահանջվել նաև այցելելու ՀՀ ճանապարհային ուստիկանություն կամ ՀՀ ԱՆ ԴԱՀԿ ապահովող ծառայություն, կազմել դիմումներ, վարչական բողոքներ կամ հայցադիմումներ): Ծրագրի ժամանակահատվածում խորհրդատվությունների մատուցումը նախատեսվում է հնարավորության դեպքում կազմակերպել նաև հեռախոսով և էլեկտրոնային փոստի միջոցով:

Բաղադրիչ 3, աղյուսակ 3

ԺԱՄԱՆԱԿԱՑՈՒՅՑ

Անվճար իրավաբանական օգնություն վարորդներին

No	Ամիս	Շաբաթ
1.	Մայիս	3-րդ շաբաթ 4-րդ շաբաթ
2.	Հունիս	1-ին շաբաթ 2-րդ շաբաթ 3-րդ շաբաթ 4-րդ շաբաթ
3.	Հուլիս	1-ին շաբաթ 2-րդ շաբաթ 3-րդ շաբաթ 4-րդ շաբաթ
4.	Օգոստոս	1-ին շաբաթ 2-րդ շաբաթ 3-րդ շաբաթ 4-րդ շաբաթ
5.	Սեպտեմբեր	1-ին շաբաթ 2-րդ շաբաթ 3-րդ շաբաթ 4-րդ շաբաթ
6.	Հոկտեմբեր	1-ին շաբաթ 2-րդ շաբաթ

ԾՐԱԳՐԻՆ ՄԱՍՆԱԿՑՈՂ ՓԱՍՏԱԲԱՆՆԵՐ

Բաղադրիչ 1. Մարզերում անվճար իրավաբանական խորհրդատվությունը կազմակերպելու նպատակով յուրաքանչյուր մարզի համար ձևավորվելու են փաստաբանների առանձին խմբեր (10 մարզ – 10 խումբ սկզբունքով), որոնցից յուրաքանչյուրի մեջ ընդգրկվելու են 3-ական փաստաբաններ՝ 2-ը Երևանից, 1-ը տվյալ մարզից: Փաստաբանների այցելությունները մարզեր և համայնքներ իրականացվելու է ծրագրով նախատեսված ժամանակացույցին համապատասխան (տե՛ս վերևում, աղյուսակ 1):

Բաղադրիչ 2. Քրեակատարողական հիմնարկներում անվճար իրավաբանական խորհրդատվությունը կազմակերպելու նպատակով յուրաքանչյուր ՔԿՀ-ի համար ձևավորվելու են փաստաբանների առանձին խմբեր (10 ՔԿՀ – 10 խումբ սկզբունքով), որոնցից յուրաքանչյուրի մեջ ընդգրկվելու են 3-ական փաստաբաններ՝ 2-ը Երևանից, 1-ը տվյալ մարզից (բացառությամբ «Նուբարաշեն» և «Վարդաշեն» ՔԿՀ-ների, որտեղ ընդգրկվելու են 3-ական փաստաբաններ Երևանից): Փաստաբանների այցելությունները ՔԿՀ-ներ իրականացվելու է ծրագրով նախատեսված ժամանակացույցին համապատասխան (տե՛ս վերևում, աղյուսակ 2):

Բաղադրիչ 3. Վարորդներին անվճար իրավաբանական խորհրդատվություն մատուցելու համար յուրաքանչյուր ամիս ձևավորվելու են 3 փաստաբանից կազմված փաստաբանների առանձին խմբեր (5 ամիս - 5 խումբ սկզբունքով), որոնք նախատեսված ժամանակացույցին համապատասխան, շաբաթական մեկ օր պարբերականությամբ, յուրաքանչյուր օր 6 ժամ տևողությամբ իրավաբանական խորհրդատվություն կմատուցեն վարորդներին ՀՀ փաստաբանների պալատում, անհրաժեշտության դեպքում ՀՀ ՃՈ-ում կամ ՀՀ ԱՆ ԴԱՀԿ-ում:

ՓԱՍՏԱԲԱՆՆԵՐԻ ՄՐՑՈՒՅԹ

Փաստաբանների ընդգրկումը ծրագրում իրականացվելու է մրցութային հիմունքներով:

Յուրաքանչյուր հաջորդ խմբի փաստաբանների ընտրության մրցույթը նախատեսվում է կազմակերպել այդ խմբի այցելությունների համար նախատեսված ամսվա կամ այդ ամսվան նախորդող ամսվա ընթացքում:

Մրցույթը կազմակերպվելու է երկու փուլերով՝ հայտերի փաստաթղթային գնահատում և հարցազրույց:

Փաստաթղթային գնահատման փուլում հայտարարված մրցույթի պահանջներին համապատասխան ներկայացված դիմում-հայտերի, ինքնակենսագրությունների և այլ փաստաթղթերի հիման վրա կգնահատվի փաստաբանի փորձառությունը, մասնագիտական փորձը, հասարակական և իրավապաշտպան գործունեության բնագավառում ակտիվությունը, իրավունքի համապատասխան բնագավառում մասնագիտացումը, մասնագիտական այլ որակները: Նշված չափանիշներին փաստաբանի համապատասխանությունը գնահատելու համար դիմողից կարող է պահանջվել ներկայացնելու ինքնակենսագրություն, մոտիվացիոն նամակ, երաշխավորական նամակ, այլ փաստաթղթեր:

Բաղադրիչ 1-ին կարող են մասնակցել առնվազն 3 տարվա փաստաբանական գործունեության փորձ ունեցող փաստաբանները, որոնք մասնագիտացված են քաղաքացիական իրավունքի բնագավառում:

Բաղադրիչ 2-ին կարող են մասնակցել առնվազն 3 տարվա փաստաբանական գործունեության փորձ ունեցող փաստաբանները, որոնք մասնագիտացված են քրեական իրավունքի բնագավառում:

Բաղադրիչ 3-ին կարող են մասնակցել առնվազն 3 տարվա փաստաբանական գործունեության փորձ ունեցող փաստաբանները, որոնք մասնագիտացված են վարչական իրավունքի բնագավառում:

Ներկայացված դիմում-հայտերը գնահատվելու է ՀՀ փաստաբանների պալատում ստեղծված հանձնաժողովի կողմից, որի կազմի մեջ են մտնում ՀՀ փաստաբանների պալատի նախագահի տեղակալը, ծրագրի համակարգողը, ՀՀ փաստաբանների պալատի աշխատակազմի ղեկավարը և ԵԱՀԿ երևանյան գրասենյակի ներկայացուցիչը:

Մրցույթի առաջին՝ փաստաթղթային գնահատման փուլում հանձնաժողովի կողմից ընտրված դիմողները կհրավիրվեն բանավոր հարցազրույցի (երկրորդ փուլ): Հարցազրույցի փուլում հանձնաժողովը նույն կազմով իր որոշմամբ սահմանված կարգով կանցկացնի հարցազրույց դիմող փաստաբանների հետ և հարցազրույցի արդյունքում հանձնաժողովը կընտրի ծրագրին մասնակցող փաստաբաններին: Նախապատվությունը կտրվի այն փաստաբաններին, որոնք որպես կատարող նախկինում չեն մասնակցել ՀՀ փաստաբանների պալատի համանման այլ ծրագրերին:

Հարցազրույցի արդյունքում ընտրված փաստաբաններին կառաջարկվի կնքել համապատասխան պայմանագիր ծրագրին մասնակցելու համար:

Սահմանափակումներ

1. Ծրագրի որևէ խմբում ընդգրկված փաստաբանը չի կարող հետագայում մասնակցել մեկ այլ խմբում ընդգրկվելու համար հայտարարված մրցույթին, բացառությամբ այն դեպքերի, երբ հայտարարված մրցույթին մասնակցելու համար չեն ներկայացվել դիմում-հայտեր կամ առկա է մրցույթ կազմակերպելու այլ անհնարինություն: Անհրաժեշտության դեպքում սակավաթիվ փաստաբաններ ունեցող մարզերի փաստաբանների մրցույթին կարող են հրավիրվել մասնակցելու նաև հարակից մարզերի փաստաբանները:
2. Որևէ մրցույթին մասնակցած փաստաբանի չընդգրկվելը (չընտրվելը) ծրագրում արգելք չէ հաջորդ մրցույթներին մասնակցելու համար:
3. Մրցույթին մասնակցելու իրավունքը կսահմանափակվի նաև

հանրային պաշտպանների համար, բացառությամբ այն մարզերի հանրային պաշտպանների, որտեղ փաստաբանների թիվը խիստ սակավ է, ինչի պատճառով մրցույթին մասնակցելու համար չեն ներկայացվել դիմում-հայտեր կամ առկա է առանց հանրային պաշտպանի ներգրավման մրցույթ կազմակերպելու այլ անհնարինություն:

ՓԱՍՏԱԲԱՆՆԵՐԻ ՎԱՐՁԱՏՐՈՒԹՅՈՒՆ, ՕՐԱՊԱՀԻԿ ԵՎ ԳԻՇԵՐԱԿԱՑ

Ծրագրին մասնակցող փաստաբանների համար նախատեսված է վարձատրություն յուրաքանչյուր այցելության համար: Յուրաքանչյուր փաստաբանի վարձատրությունը կիրականացվի ըստ համապատասխան խմբում այցելությունների թվի: Յուրաքանչյուր խմբի այցելությունների քանակը նախատեսված է ծրագրի ժամանակացույցով:

Մարզեր և մարզերում գտնվող քրեակատարողական հիմնարկներ այցելող փաստաբաններին կտրամադրվի նաև օրապահիկ:

Սյունիքի մարզ՝ Միսիան, Գորիս, Կապան, Մեղրի քաղաքներ, Տավուշի մարզ՝ Բերդ, Նոյեմբերյան քաղաքներ և «Գորիս» ՔԿՀ այցելությունները նախատեսվում է կազմակերպել գիշերակացով՝ համապատասխան ծախսերի փոխհատուցմամբ:

ԿՈՆՏԱԿՏՆԵՐ

Ծրագրի համակարգող՝

[Լյուդվիկ Դավթյան](#)

Փաստաբան, իրավ. գիտ. թեկնածու

Հեռ.՝ 091 066 880, 060 60 50 50

Էլ. փոստ՝ lyudvik.davtyan@gmail.com